

اسلاملر دار اغاچلرنده

ماتن غزته سنك مصطفی پاشا مخبری ۱۷ تشرین ثانی تاریخیه یازیور :

... اوکله دن صکره ساعت ایکی راده لرنده دیوان حرب اعضاسیله یکریمی قدر زاندارمه نفری ، اطراف خانه لری خلقی و حرب مخبر - لری بوش قالان بر اسلام خانه سنك باغچه سنده طوبالاندیلر . بر دقیقه طرفنده ایپلری اغاچك اك صاعلام دالدرینه باغلابوب اسکمه برینه محکوملرک آياقلری آلتنه اسکي فوجیلر قوبدیلر ، اگر اوفوجیلر ایله بر آز اوتنده تهی بر خانه دن بولدقلری ایپ بولنسه ایدی باغچه ده بولنلرک اعدام ایچون حاضرلق کورمکده اولدقلری کیمسه فکرندن کچیرمیه چکدی . هوا غایت کوزل ایدی ، صوك بهار کونشی بیاض شماعاتی ایله اطراف طاغلری تنور ایدوب بو فوجیع و جانخراش منظره یه یوقارودن ، يك یوکسکدن تماشا کر اولیور ایدی . محل مذکور دن یوز مترو اوتنده بیوک برجامک بیاض منساره سی هوانك مائی طبقه لری ایچنده هیبتنا اولیوردی . مناره نك اوزرندن بلغار عسکری ، بیاض البسه لی صلیب احمر جمعیتی اعضاسی ، بلغار قیزلری بومنظره نی تماشا ایدیورلر ، آشاغیده تجمع ایدن خلق محاربه دن ایلروده جریان ایده چك مکالمه سیاسیهدن بحث ایدوب بو فوجیع منظره نی نظر دقته آلمق بيله ایسته میورلردی . پولیس قومیسری دار آغاچنه صوك بر نظر تفتیش عطف ایتدی وهرشیک حاضر اولدیغی کورمک زاندار - مه لره خانه ده موقوف اولان محکومینک میسدان سیاسته کتیریلرلری امرینی ویردی . برمدت صکره احمدواسماعیلی اوزاقدن کوردم ، فصل اعدامه محکوم اولانلر بولنرمیدر ؟ بسبتون لاقید بولنان ، تیرمه یه ، جزئی بر اثر هیجان و خلجان کورستریان بو آدملرک اعدامه محکوم اولدقلرینه ، بر آز صکره دار آغاچنه چیه جقلرینه اینانق قابلی ؟ . احمد ایپك صالانمقده اولدیغی آغاچه لاقید بر نظر عطف ایتدکن صکره پارلاق کوزلرینی بزه کوبستردی ، هیجاندن عاری اولان بو قلبک وطن محبتی ایله مشحون اولدیغی آشکاردی . بو کوزلرک بر آز صکره ابدیاً قاپاچه ققنه بر دلو اینانق ایسته میوردم ، اولرده حیات واردر ، بکا اوله کلیورکه غریب ونا کهظهور برحادثه حکم اعدامک انفازینه مانع اوله جقدی . ایکی دقیقه اول زاندارمه لرك حکم اعدامی تبلیغ ایتدکلری زمان احمد واسماعیل یمکلرینی هنوز بیترمشلرایدی . هیچ بر هیجان و خلجان حس ایتدیلر ، هیچ بر سوز سوبله مکسزین سیالرنده علائم تلاش کورسترمه دن درحال آیاغه قالفه رق کلپچه لری اولماق ایچون اللرینی آرقه لرینه کورتوردیلر ، شمدی آغاچه طوغری کلیورلر . یولده تجمع ایدن جمع غفیر آرمهنده کندی یوللرینی بالذات آچدقلرینی کوردیکم زمان قلبمدن مدهش بر تأثر حس ایتدم . قانوناً اعدام قرارنامه سنك دیوان حرب طرفندن تعیین ایدیلن مأمور مخصوصک اوقومسی الحجاب ایدر . اعدامنامه آلتی بیوک صحیفه دن عبارت اولوب قرائتی یکریمی دقیقه قدر دوام ایتدی . بو ائشاده بن متصل اختیار احمدك یوزینه باقرق بر اثر هیجان آرامنه غیرت

بویله اولورسه نصرت الهیه دن قطعاً امید وار اوله بیلیرز . زیرا « ان تنصروا الله ینصركم = اگر سنز الله نصرت ایدرسه کز ، اوده سنزه نصرت بخش ایدر . » الله نصرت ؛ قرأی ، اسلامیتی مدافعه ایچون حیاتی ، مالی ، بتون موجودیتی فدا ایتمکدر . هرکس جانی فدا ایتسه بتون امت حیاتی قازانیر . اونك ایچون علمای کرام قطعاً اهل کورسترمه ملیدر . حکومتمزك بوباده اتخاذا ایتدیکی تدابیر ؛ ان شاء الله یقینه حسن تأثیرینی کورستره چکدر . « وما النصر الا من عند الله العزيز الحكيم »

شہامت اسلامیہ

موطده کی وطنپوران امت طرفندن جریده مزه آئیده کی تلغراف چکیلشد :

سبیل الرشاد غزته معتبره

« قائمز ، دیمز ، ایمانز واردر . سبیل الرشاد اصحاب ایمانی دعوت ایدیور . قضا مندن موقع حربہ کیدن هنوز یوزده بر راده سنده در . له الحمد علل وامراضدن سالمز . ایلك اشارتده حرکتہ آماده یز . جوا - بکزی تلغرافخانه ده بکله یوزز . ۴ تشرین ثانی ۳۲۸

اشرافدن بلدیہ رئیس متینغ رئیس مفتی یعقوب ، عبدالرحمن ، علی ، امین سلیمان نادر احمد

سبیل الرشاد آیدر کی تلغرافی جواباً کشیده ایتمدر :

شہامت اسلامیہ کزله روح پیغمبر شاداندر . احکام اسلامیہ نی تبلیغ ، حکومتک وامرینه انقیاد ، وظیفه مزدر . ۵ تشرین ثانی ۳۲۸ سبیل الرشاد

دوندہ طاش اوچندن شو تلغرافی آلدق :

درسعادتده سبیل الرشاد غزته معتبره سنه

لوامز داخلندن دخی عسکر کیتامش کیدر . حکومتمزك هر امرینه آماده بولندیغمزی دیمز ، ایمانزله عهد و میثاق ایتدک له الحمد علل وامراضدن سالمز . جوابکزه ماکنه باشنده منتظرز .

قونیه : طاش اوچی ۱۳۰ تشرین ثانی ۳۲۸ اهالی محلیه نامنه حاجی محمد

سبیل الرشاد

بو محترم امضا صاحبی یقیندن طانیدیغمز ایچین تلغرافنامه سندن نه قدر متحسس و متأثر اولدیغمزی تمریف ایدمه یز . اولیسی هفته حنین غزوه جاییله سی اوزرینه یازدیغمز مقاله نك - لطف حق ایله - تأثیر بلیغی بوتون آناطولی اهالی اسلامیہ سی طرفندن متینغلر عقد اولونمق ، اداره خانه مزه آتشین تلغرافلر کشیده ایدلک صورتیله ابراز ایتدیکنی کورمکله اشك ریز شکران و محمدت اولدق . بز شو حقیقت علویہ نی آکلادق که : الله ورسول الله اوغرنده مال و جانی کوله کوله فدائی جانہ منت بیلن بویله ملیونلرجه اولاد محمدی وارکن خلافت مقدسه اسلامیہ بوتون شمشعہ شوکت واجلالیله یاشایه جق . قیامته قدر یاشایاجق . اللهم کثر عددهم و عجل مددهم لیدنک و کتابک آمین !